



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

### Capitularia Regvm Francorum

Additae sunt Marculfi monachi & aliorum formulae veteres, & Notae  
doctissimorum virorum

**Baluze, Etienne**

**Parisiis, 1677**

Praeceptum Karoli M. pro Hispanis qui in regnum Francorum confugerant.

**urn:nbn:de:hbz:466:1-19366**

*De placitis à Missis dominicis Comitibus  
notam faciendis.*

Ibid. 87. XII. Ut unusquisque Missorum no-  
strorum in placito suo notum faciat Comi-  
tibus qui ad ejus missaticum pertinent ut  
in illis mensibus quibus ille legationem  
suam non exercet conveniant inter se &  
communia placita faciant tam ad latrones  
distringendos quam ad ceteras justitias fa-  
ciendas.

*De fidelitate Regi promittenda.*

XIII. Ut Missi nostri populum no-  
strum iterum nobis fidelitatem promittere  
faciant secundum consuetudinem jamdu-  
dum ordinatam. Et ipsi aperiant & inter-  
pretentur illis hominibus qualiter ipsam  
sacramentum & fidelitatem erga nos ser-  
vare debeant. Ibid. 11.

## PRÆCEPTUM

Pro Hispanis qui in regnum Karoli confugerant.

*Nunc primum editum ex archivo Archiepiscopi Narbonensis.*

Hoc est præceptum concessionis atque donationis quam fecit  
Karolus Imperator profugis Hispanis.

**I**N nomine Patris & Filij & Spiritus  
sancti. Karolus serenissimus Augustus,  
à Deo coronatus, magnus, pacificus Im-  
perator, Romanum gubernans imperium,  
qui & per misericordiam Dei Rex Fran-  
corum & Longobardorum, Beraræ, Gau-  
celino, Gisclafredo, Odiloni, Ermengario,  
Ademaro, Laibulfo, & Erlino Co-  
mitibus. Notum sit vobis quia isti Hispani  
de vestra ministeria, Martinus Presbyter,  
Iohannes, Quintila, Calapodius, Afina-  
rius, Egila, Stephanus, Rebellis, Ofilo,  
Atila, Fredemirus, Amabilis, Christia-  
nus, Elpericus, Homodei, Iacetus, El-  
perandei, item Stephanus, Zoleiman, Mar-  
chatellus, Teodaldus, Paraparius, Go-  
mis, Castellanus, Ardaricus, Wasco,  
Wigifus, Witericus, Ranoidus, Sunie-  
fredus, Amancio, Cazerellus, Lango-  
bardus, Zate milites, Odefindus, Wal-  
da, Roncariolus, Mauro, Pascales, Sim-  
plicio, Gabinius, Solomo Presbyter, ad  
nos venientes suggesterunt quod multas  
oppressiones sustineant de parte vestra &  
juniorum vestrorum. Et dixerunt quod  
aliqui pagenses fiscum nostrum sibi alter  
alterius testificant ad eorum propieta-  
tem, & eos exinde expellant contra justitiam,  
& tollant nostram vestituram,  
quam per triginta annos seu amplius ve-  
stiti fuimus, & ipsi per nostrum donitum  
de eremo per nostram datam licentiam

retraxerunt. Dicunt etiam quod aliquas  
villas, quas ipsi laboraverunt, laboratas  
illis eis abstractas habeatis, & beboranias  
illis superponatis & faiones, qui per forcia  
super eos exactant. Quamobrem iussimus  
Iohanne Archiepiscopo Misso nostro ut  
ad dilectum filium nostrum Ludovicum  
Regem veniret, & hanc causam ei per  
ordinem recitaret. Et mandavimus illi ut  
tempore opportuno illuc veniens, & vos  
in ejus presentiam venientes, ordinare fa-  
ciat quomodo aut qualiter ipsi Hispani vi-  
vere debeant. Propterea has litteras fieri  
præcepimus atque demandamus, ut ne-  
que vos neque juniores vestri memoratos  
Hispanos nostros, qui ad nostram fiduciam  
de Hispania venientes, per nostram da-  
tam licentiam erema loca sibi ad labori-  
candum propriserunt, & laboratas habe-  
re videntur, nullum censum superponere  
præsumatis, neque ad proprium facere  
permittatis, sed quoad usque illi fideles  
nobis aut filiis nostris fuerint, quod per  
triginta annos habuerunt per aprisionem  
quieti possideant & illi & posteritas eorum,  
& vos conservare debeatis. Et quicquid  
contra justitiam eis vos aut juniores vestri  
factum habetis, aut si aliquid eis injustè  
abstulistis, omnia in loco restituere facia-  
tis, sicuti gratiam Dei & nostram vultis  
habere propitiam. Et ut certius credatis,  
de anulo nostro subter sigillari iussimus.

Guidbertus Diaconus ad vicem Ercanaldi recognovit. in Francia XLIV. atque XXXVIII. in Italia, Indictione quinta.  
 Data IV. Nonas Aprilis anno Christo Actum Aquisgranum palatio regio in propitio imperij nostri XII. regni verò Dei nomine feliciter. Amen.

Privilegia Hispanorum in regno Francorum, id est, in ea parte Hispanie citerioris que citra Rubricatum est, commorantium confirmantur Ludovicus Pius & Karolus Calvus. Eorum præcepta edita sunt infra ad annos DCCCXV. & XVI. & in Capitulis Karoli Calvi tit. VI.

## CAPITVLARE PRIMVM ANNI DCCCXIII.

S I V E

Capitula XXVIII. de confirmatione constitutionum quas Episcopi in synodis auctoritate regia nuper habitis constituerant.

INCIPIVNT CAPITVLA.

1. **D**E baptismo ritè celebrando.
2. *Vt laici Presbyteros de Ecclesiis non ejiciant.*
3. *Vt laici pro datis Ecclesiis munera non exigant.*
4. *Vt Canonici & monachi secundum ordinem vivant.*
5. *Vt in monasteriis Puellarum Presbyteri peractis sacris non subsistant.*
6. *Vt plures in monasteriis quàm ferre possint non recipiantur.*
7. *De decimis.*
8. *De incestuosis investigandis & coercendis.*
9. *De pace & concordia.*
10. *Vt Comites Episcopis obediant, & justitias faciant.*
11. *Vt tempore famis unusquisque suos alere studeat.*
12. *Vt Episcopo liceat de thesauro Ecclesie pauperibus erogare.*
13. *Vt justa sint pondera & mensuræ.*
14. *Vt predicatio assidue fiat, & ab omnibus intelligatur.*
15. *De iis que dominico die fieri non debent.*
16. *Vt Episcopi parrochias suas circumeant.*
17. *Vt chrisma sub sigillo custodiatur.*
18. *Vt parentes & patrini filios suos doceant.*
19. *Vt Ecclesiis antiquis sua jura serventur.*
20. *In Ecclesiis sepelire quos liceat.*
21. *Vt placita in Ecclesiis carumve atrii non fiant.*
22. *Vt res pauperum fraudulenter non acquirantur.*
23. *Vt fugitivi Clerici redire compellantur.*
24. *Vt qui beneficium habet Ecclesie, ad ejus sacra vota adjuvet.*
25. *Vt publici criminis rei publice penitentia subiciantur.*
26. *Vt Presbyteri quod docent opere compleant.*
27. *De Presbyteris qui confessiones revelare dicebantur.*
28. *De tumultibus quos fidosi homines excitabant.*

INCIPIVNT SVPRASCRIPTA CAPITVLA ET EORVM TEXTVS.

*De baptismo rite celebrando.*

I. **V**T unusquisque Archiepiscopus suos suffraganeos diligenter studiosèque ammonere studeat ut unusquisque suos Presbyteros puriter investigare non neglegat baptismatis sacramenta qua-

liter agant; & hoc eos studiosè doceant, ut ordinabiliter fiat.

*Vt laici Presbyteros de Ecclesiis non ejiciant.*

II. *Vt laici Presbyteros non eiciant de Ecclesiis, nec alios mittere præsumant.*

*Vt laici pro datis Ecclesiis munera non exigant.*

III. *Vt laici omnino non audeant mu-*

Tom. I.

Ii ij

Conc. Aze-  
lit. VI.  
can. 3.

Arelat. VI.  
can. 4.

Arelat. VI.  
can. 3.